



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ასათიანი ანთომ ერასტის ძე

ასათიანი ანთომ ერასტის ძე [6 (18). V. 1895, ქუთაისი, - 16. I. 1981, თბილისი], ჰიგიენისტი. მედ. მეცნ. დოქტორი (1950), პროფესორი (1950), საქართვე. მეცნ. დამს. მოღვაწე (1961). 1921-22 იყო გაზ. „კომუნისტის“ პასუხისმგებელი მდივანი, 1924-25 - კომპარტიის ახალციხის სამაზრო კომიტეტის პირველი მდივანი, 1927 - საქართვე. მთავლიტის უფროსი, 1935-36 - ამიერკავკ. ადგილ. მრეწვ. სახ. კომისრის პირველი მოადგილე. 1938 დაამთავრა თბილ. სახელმწ. სამედ. ინ-ტი. 1942-47 იყო საქართვე. სახელმწ. სამედ. გამომცემლობის დირექტორი, 1944-47 - თბილ. სახელმწ. სამედ. ინ-ტის კვების ჰიგიენის, ხოლო 1947-74 - სოც. ჰიგიენისა და ჯანდაცვის ორგანიზაციის კათედრების გამგე, 1947-52 - საქართვე. ჯანდაცვის სამინისტროს სანიტარიისა და ჰიგიენის სამეცნ.-კვლ. ინ-ტის დირექტორი. ა. იყო საქართვე. ჰიგიენისტთა საზ-ბის ერთ-ერთი დამაარსებელი (1939) და თავ-რე (1963-68), ხოლო 1968-71 - საქართვე. მედ. ისტორიკოსთა საზ-ბის თავ-რე. დაამუშავა რაციონალური კვებისა და სამკურნ.-პროფილაქტ. დაწესებულებებში სამედ. მომსახურების გაუმჯობესების ზოგიერთი საკითხი. მიღებული აქვს სახელმწ. ჯილდოები.

თხზ.: ჯანმრთელობის დაცვა საბჭოთა საქართველოში, თბ., 1961; სოციალური ჰიგიენა და ჯანმრთელობის დაცვის ორგანიზაცია, თბ., 1973.
